



Caderno da crítica

Cuestionario Proust: Antonio Manuel Fraga

[Ramón Nicolás](#) 16 xaneiro 2014

<https://cadernodacritica.wordpress.com/2014/01/16/cuestionario-antonio-manuel-fraga/>

1.– Principal trazo do seu carácter?

– O entusiasmo que poño, exclusivamente, nas cousas que me gustan.

2.– Que calidade aprecia máis nas persoas?

– Sen dúbida a bondade.

3.– Que agarda das súas amizades?

– Que me acepten tal como son, sen demasiadas análises.

4.– A súa principal eiva?

– O pesimismo.

5.– A súa ocupación favorita?

– Ver cinema.

6.– O seu ideal de felicidade?

– Ler na praia.

7.– Cal sería a súa maior desgraza?

– Calquera cambio imprevisto supón unha pequena desgraza para min, así que supoño que algunha asociada a un cambio grande.

8.– Que lle gustaría ser?

– Escritor.

9.– En que país desexaría vivir?

– Nunha illa con moito sol e pouca xente.

10.– A súa cor favorita?

– A cor azul.

11.– A flor que máis lle gusta?

– A orquídea.

12.– O paxaro que prefire?

– O moucho.

13.– A súa devoción na prosa?

– Dúas: Salinger e Cortázar.

14.– E na poesía?

– Outras dúas: Celso Emilio e Lorca.

15.– Un libro?

– Imposíbel ficar cun só libro! Así que vou elixir a miña actual lectura, da que estou a gozar moito: *Cadeas*, de Xabier López López.

16.– Un heroe de ficción?

– Atticus Finch.

17.– Unha heroína?

– Matilda.

18.– A súa música favorita?

– Case calquera que propoña algo diferente e con calidade. Ultimamente escoito moito jazz.

19.– Na pintura?

– Talvez Monet, non o teño claro.

20.– Un heroe ou heroína na vida real?

– Os meus catro avós.

21.– O seu nome favorito?

– Xulia e Nuno.

22.– Que hábito alleo non soporta?

– O cinismo.

23.– O que máis odia?

– O fascismo.

24.– A figura histórica que máis despreza?

– O cómplice silencioso.

25.– Un feito militar que admire?

– A afouteza dos guerrilleiros que se botaron ao monte despois do golpe de estado do 36.

26.– Que don natural lle gustaría ter?

– Talento para a música.

27. – De que maneira lle gustaría morrer?

– De ningunha. A idea da morte horrorízame.

28.– Cal é o seu estado de ánimo máis habitual?

– Ultimamente, malia algunha mancha importante de tristura, a felicidade.

29.– Que defectos lle inspiran máis indulxencia?

– A credulidade.

30.– Un lema na súa vida?

– Non te afastes da xente que te quere.